



UNIVERSITÄTS-
BIBLIOTHEK
PADERBORN

Concilia Provincialia Mediolanensis Sex

Borromeo, Carlo

Venetiis, 1602

De puellis sæcularibus, quæ in Monasterijs educantur.

[urn:nbn:de:hbz:466:1-62072](https://nbn-resolving.org/urn:nbn:de:hbz:466:1-62072)

S V M M A R I V M.

- 1 *Mulieres pœnitentes, quarum consensus ad professionem recipiendæ.*
- 2 *Ee in dote, etate, renunciatione, & quibus alijs, ut moniales, dum recipiuntur, & profitentur, non habendæ.*



Egulæ, constitutiones uè speciatiim editæ de pœnitentibus, quæ professionem emittunt, seruentur, ne in ijs recipiendis consensus duarum partiũ monialium requiratur, ut Concilio Prouinciali primo sancitum est: id quod in alijs solum monialibus locũ habere hoc loco declarat; sed maior pars satis fit, etiã in professione emittenda.

6. *Quæ ad Monial. pert.*

2 Nec uerò in earum mulierum domicilijs certus numerus constituatur; nec rursus in ijs locum habeat, quod de elemosyna loco dotis, alimentiuè, eiusque summa, & additione in monialiũ monasterijs præstare decretum est: sed illud in necessarijs alimenti expensis erogetur: reliquum autem in alias monasterij necessitates, aut in bonorum imobiliarum emptione arbitrio superioris conuertatur.

His mulieribus liceat professionem emittere, ea etate, eoque temporis probationis spacio, quibus iure communi liceat, aut earum constitutionibus speciatiim cautum est.

In earum præterea renunciatione, & obligatione, constitutiones earum, & earum superioris, aut ius commune seruetur.

Neque nouitiæ, si quid in anno probationis dederit, mulieresue acceperint, pœnis plectantur, nisi speciatiim aliter caueatur.

Mulieres item, quas absoluto probationis anno, non habiles esse, neque idoneas ad professionem compertum est; aut se profiteri illæ recusauerint, è monasterijs nisi causis iure permissis, nè eijciantur. Verũ Episcopus probationis, nouitiatusque tempus proroget, licet.

Ne uerò item, quæ mulieres habiles non sunt ad officium, uelumque nigrum suscipiendum, etiam si domus illa conuersis opus non habeat, contra institutum repellantur.

De Puellis Sæcularibus, quæ in Monasterijs educantur.

S V M M A R I V M.

- 1 *Puelle sæculares educationis causa in monialium monasteria introducenda post annum exeant.*

In

- 2 *In posterum non recipiantur, nisi Superiore permittente.*
- 3 *Quibus Puellis non permittendum: egressæque ut iterum recipiende.*
- 4 *Receptæ, quo habitu induantur, & cum quibus non colloquantur.*
- 5 *Quo loco dormiant.*
- 6 *Earum educationis causa quantum soluendum.*
- 7 *Si moniales fieri nolunt, quæ seruanda.*
- 8 *Domi suæ uiuentes, quæ cum monialibus non agant.*

1. De Puellis
sac. Quæ in
Mon. educ.



Puella sæculares cuiusuis generis, conditionis, & ætatis, quæ, nunc in clausura monasterij, educationis, aliaue causa commorantur, post annum è monasterio exire cogantur; nisi omnibus ijs prædita, quæ ad suscipiendam religionem, monasterij institutis, Tridentini Concilij, & harum constitutionum decretis requiritur, monachalem uestem sumere uoluerint. Episcopis tamen facultas permittitur probabili de causa prorogandi tempus suo arbitratu, consentiente Superiore Regulari in ijs monasterijs, quæ ei subiecta fuerint.

2 In posterum puellæ educationis causa, in monasteria nè recipiantur, sine licentia, scripto permissa ab Episcopo, ac Superiore Regulari, si ei subiectum fuerit monasterium, cui etiam prius accesserit scriptus Metropolitanus consensus.

3 Hæc autem licentia non concedatur puellis, quæ habeant, à quibus regi, & educari commodè possint, aut ijs, quæ decimum annum non compleuerint, aut maioribus quindecim annis.

Quæ semel exeunt è monasterio, amplius, aut in illud, aut in ullum præterea aliud admitti non possint; nisi cum moniales fieri uoluerint.

4 Huiusmodi autem puellæ nigri tantummodo, aut fusci, uel albi coloris uestes, non sericas adhibeant: nullo præterea exquisito ornamenti genere utantur; nè sint concinnatæ, nè uè habeant in aures, nec monilia, aut eius generis inanes delicias.

Cum propinquis, alijs uè externis nè colloquantur; nisi eisdem seruatæ, quæ suprâ de monialibus eo in genere decreta sunt.

5 Dormiant, cibum capiant, uersenturque loco separato à monialibus ijs exceptis, quæ ipsis regendis, & instituendis præpositæ sunt: cum nullaque moniali consuetudinem habeant, præterquam in Ecclesia; cum Missa aut diuina officia celebrantur.

6 Puellarum alimenti, & educationis causa quotannis monasterio non minus soluatur triginta aureis: cuius pecuniæ dimidium in singulos sex menses representetur. Quod si ea pecunia per ipsos sex menses non numerata fuerit; puellæ ad suos remittantur, quos magistratus mona-

monasterio omninò satisfacere cogant.

7 Quæcumque ex ijs puellis monialis fieri uoluerit, ad propinquos suos mitatur, aut ad eos, qui ipsius curam habent, apud quos saltè per mensem maneat, priusquam ab Episcopo, aut ab eius ministris examinetur. Idque ut facilius, ac melius eius libera uoluntas exquiri, & explorari possit.

8 Puellas verò, domi suæ foris uiuentes, neque litteras, neque ullam omninò artem monialibus docere liceat; nè ad fenestellas quidem, aliaue colloca-tionis loca. Quod, si id monialium præfecta quouis modo permiserit; semestris administrandi officio priuetur.

De Concionatoribus, Confessoribus, Visitatoribus, Capellanis, & Procuratoribus Monialium.

S Y M M A R I V M.

- 1 Concionatores monialium quales: & ubi illis concionentur, & à quibus deligendi.
- 2 Concionatoribus ipsis quando cum monialibus colloqui non licet.
- 3 Confessores monialium quales, & quando earum peccata audiant, & Eucharistiam administrent.
- 4 A quo probandi.
- 5 Quando mutandi: & quando priuandi. 8.
- 6 Intra monasterij septa non ingrediantur, septaque ingressi, à quot monialibus comitandi.
- 7 In foresterijs quando comedant, & dormiant. & De Monast. Monial. nu. 33. in fi.
Confessionum locus qualis. Ibid. nu. 31.
- 9 In eisdem foresterijs comedentes, ac dormientes Regulares, & Clericè alij, ut puniendi.
- 13 Regularibus monialium fratribus, quando cum eisdem monialibus colloqui liceat.
- 14 Confessorum socij quales, & cum quibus monialibus colloqui possint.
- 15 Confessor extraordinarius monialibus dandus.
- 16 Confessor ordinarius, extraordinariè illarum confessiones non audiat.
- 17 Confessores dona à monialibus non capiant. & nu. 20.
Confessarijs stipendium in pecunia dandum. 22.
Visitatores monialiū quando in foresterijs uesci, & cubare possint. 10.
Idem